

SYARAT-SYARAT TAWARAN NOMBOR PENDAFTARAN KENDERAAN

PERHATIAN :

- I) Gunakan SATU borang untuk SATU tawaran nombor pendaftaran sahaja.
- II) Tulis dengan betul, jelas dan terang. Sila gunakan HURUF BESAR.
- III) Gunakan satu petak bagi setiap huruf atau angka. Tinggalkan satu petak kosong diantara perkataan.
- IV) Gunakan ejaan ringkas jika ruangan tidak mencukupi.

1. Setiap permohonan hendaklah dibuat melalui Borang Tawaran Nombor Pendaftaran Kenderaan yang boleh didapati di Pejabat Pengangkutan Jalan Negeri.
2. Setiap satu borang permohonan Tawaran Nombor Pendaftaran hendaklah juga disertakan dengan :
 - i) salinan fotostat Kad Pengenalan atau Lesen Memandu atau Sijil Pendaftaran Syarikat.
 - ii) setiap permohonan hendaklah menggunakan alamat terkini.
3. Setiap tawaran hendaklah disertakan dengan deposit iaitu 10% daripada harga tawaran yang dibuat tetapi **tidak kurang daripada RM 200.00** sebagai deposit minimum. Sekiranya deposit tawaran tidak disertakan atau deposit tawaran yang disertakan adalah kurang daripada 10% maka permohonan adalah terbatal dengan sendirinya.
4. Bayaran perkhidmatan sebanyak RM 10.00 dalam bentuk Wang Pos, Cek atau Resit yang dikeluarkan oleh Jabatan Pengangkutan Jalan untuk bayaran tersebut hendaklah disertakan bersama-sama Borang Permohonan.
5. Borang permohonan ini hendaklah ditandatangani oleh pemohon sendiri. Sekiranya syarikat, ianya hendaklah ditandatangani oleh orang yang diberi kuasa dan cop rasmi Syarikat.
6. Borang permohonan bersama-sama bayaran perkhidmatan dan deposit tawaran hendaklah dimasukkan ke dalam sampul surat berukuran tidak kurang daripada 16cm. X 11cm. dan dilakrikan (sealed). Pemohon hendaklah juga menyertakan bersama sampul surat bersetem dan ditulis dengan alamat sendiri. Pemohon adalah dikehendaki menulis disebelah kiri sampul surat perkataan-perkataan berikut :-

“TAWARAN NOMBOR PENDAFTARAN”

7. Tawaran-tawaran untuk nombor pendaftaran hendaklah dimasukkan terus kedalam Peti Tawaran yang disediakan di Jabatan Pengangkutan Jalan Negeri yang berkenaan.
8. Pemohon-pemohon yang berjaya mendapatkan nombor pendaftaran melalui sistem tawaran ini hendaklah mendaftarkan nombor tersebut pada sebuah kenderaan atas nama pemohon sendiri dan tidak boleh dipindah milik kepada orang lain. Tempoh pendaftaran kenderaan ialah 3 bulan dan tempoh akhir ialah 6 bulan.
9. Bayaran penuh tawaran nombor pendaftaran yang berjaya hendaklah dibuat dalam tempoh **2 minggu bagi Semenanjung dan 1 bulan bagi Sabah dan Sarawak**. Sekiranya pemohon gagal menjelaskan baki tersebut, maka deposit tawaran sebanyak 10% yang telah dikemukakan akan dijadikan hasil kerajaan.
10. Bagi pemohon-pemohon yang tidak berjaya, deposit akan dikembalikan secepat mungkin.
11. Nombor yang sudah dibayar tetapi gagal didaftar dalam tempoh yang ditetapkan akan ditarik balik dan sebarang bayaran yang telah dibuat tidak akan dikembalikan dan menjadi hasil kerajaan. Bagi kes-kes tertentu yang menghalang pendaftaran dalam tempoh 6 bulan, perlanjutan tempoh boleh dibenarkan tetapi tertakluk kepada bukti-bukti kukuh yang boleh menyokong permohonan tersebut.
12. Permohonan yang tidak lengkap atau lewat akan di TOLAK.
13. **Jabatan ini tidak terikat untuk menerima mana-mana tawaran tertinggi atau mana-mana permohonan tawaran.**
14. **Keputusan Jawatankuasa Tawaran adalah muktamad.**